

Ruj. Kami : UTM.J.03/10.12/3 Jld.4 (17)

PEKELILING BENDAHARI

BIL 1 TAHUN 2017

PENURUNAN KUASA KELULUSAN PROGRAM/AKTIVITI

1.0 TUJUAN

- 1.1 Pekeliling ini bertujuan untuk memaklumkan kepada pusat tanggungjawab (PTJ) tentang Penurunan Kuasa Kelulusan Program/Aktiviti yang dicadangkan untuk digunapakai oleh semua bajet kecuali Bajet Pembangunan (D).

2.0 LATAR BELAKANG

- 2.1 Merujuk kepada Pekeliling Bendahari Bil.3 Tahun 2014 Pengurusan Akaun Amanah para 1.4.1 (c), kelulusan bagi mengendalikan program/aktiviti yang melibatkan perbelanjaan adalah seperti berikut:

Anggaran Perbelanjaan Program	Kelulusan
Perbelanjaan melibatkan jumlah dibawah RM50,000	Kelulusan Timbalan Naib Canselor (TNC) berkaitan
Perbelanjaan melibatkan jumlah RM50,000 dan ke atas	Kelulusan Jawatankuasa Pengurusan Universiti (JPU)

- 2.2 Isu semasa yang timbul apabila program/aktiviti yang melibatkan perbelanjaan yang rendah juga perlu mendapatkan kelulusan TNC yang berkaitan disebabkan ketua PTJ tidak diberi kuasa untuk meluluskan pengendalian program/aktiviti yang menyebabkan proses untuk mengendalikan program menjadi lebih panjang dan melambatkan.

3.0 PELAKSANAAN

- 3.1 Bagi mempercepatkan lagi proses kelulusan mengendalikan program/aktiviti, berikut merupakan penurunan kuasa kelulusan mengendalikan program/aktiviti yang melibatkan anggaran perbelanjaan seperti berikut:

Anggaran Perbelanjaan Program	Kelulusan
Perbelanjaan melibatkan jumlah sehingga RM10,000.00	Kelulusan Ketua Pusat Tanggungjawab (PTJ)
Perbelanjaan melibatkan jumlah melebihi RM10,000.00 sehingga RM50,000.00	Kelulusan Timbalan Naib Canselor (TNC) yang berkenaan
Perbelanjaan melibatkan jumlah melebihi RM50,000.00	Kelulusan Jawatankuasa Pengurusan Universiti (JPU)

- 3.2 Bagi memastikan keseragaman tahap kelulusan program/aktiviti, penurunan kuasa ini adalah untuk digunapakai bagi semua bajet dengan tujuan untuk memberi kuasa kepada Ketua PTJ menggerakkan program/aktiviti masing-masing dengan lebih pantas dan efisien. Bajet yang terlibat adalah Bajet Mengurus (U), Bajet Amanah (A), Bajet Penyelidikan (R) dan Bajet Universiti Penyelidikan (Q).
- 3.3 Penurunan kuasa ini adalah dengan syarat peruntukan mencukupi, tertakluk kepada peraturan semasa Universiti/Kerajaan dan juga memberi impak kepada kepentingan Universiti.
- 3.4 Penurunan kuasa ini akan ditarik balik sekiranya berlaku isu pecah kecil pembelian dan juga pelanggaran terhadap peraturan semasa Universiti/Kerajaan.

4 KESIMPULAN

Penurunan kuasa ini dijangka mampu memberi impak kepada pengendalian program/aktiviti yang lebih cekap disamping dapat memberi sumbangan kepada Universiti dengan menambahkan lagi dana sumber dalaman.

5 TARIKH KUATKUASA

Pekeliling ini berkuatkuasa mulai daripada 1 Januari 2017.



.....
Abu Bakar Bin Mohd Salleh @ Ahmad
Pemangku Bendahari

